




TRANSPAROMETRI KOMUNAL

PRIZREN, SUHAREKË, RAHOVEC, MALISHEVË, DRAGASH, MAMUSHË
JANAR – DHJETOR 2017

JANAR 2018, PRIZREN





TRANSPAROMETRI KOMUNAL

PRIZREN, SUHAREKË, RAHOVEC,
MALISHEVË, DRAGASH, MAMUSHË
JANAR – DHJETOR 2017

JANAR 2018, PRIZREN

COPYRIGHT © 2018. Kosova Democratic Institute (KDI).

Instituti Demokratik i Kosovës i ka të gjitha të drejtat të rezervuara dhe asnjë pjesë e këtij botimi nuk lejohet të riprodhohet ose të transmetohet në çfarëdo forme, mekanike apo elektronike, përfshirë fotokopjimin ose çdo sistem tjetër të ruajtjes dhe nxjerrjes së materialeve, pa lejen me shkrim të botuesit. Publikimi mund të riprodhohet ose të transmetohet vetëm nëse përdoret për qëllime jokomerciale. Kurdo dhe kushdo që përdor citate a materiale të ndryshme të këtij botimi, është i obliguar ta bëjë të qartë burimin nga do t'i ketë marrë ato citate ose materialeve që përdoren.

Për çdo vlerësim, vërejtje, kritikë apo sugjerim, luteni të na kontaktoni përmes mundësive të ofruara më poshtë:

Adresa: Rr. Bajram Kelmendi, Nr. 38,
10000, Prishtinë, Kosovë.
Tel.: +381 (0)38 248 038
E-mail: info@kdi-kosova.org
Web: www.kdi-kosova.org

Përgaditur nga: Naim Cahanaj

Me asistencë hulumtuese nga: Arben Hoxha dhe Xhylene Lumi-Dakaj

Publikimi i këtij raporti është bërë i mundur me përkrahjen e The Olof Palme Center. Opinonet, të gjeturat dhe rekomandimet e shprehura në këtë raport janë përgjegjësi e KDI-së dhe jo domosdoshmërisht paraqesin qëndrimet e donatorit.

PËRMBAJTJA

HYRJE	6
METODOLOGJIA.....	7
RËNDËSIA DHE VLERËSIMI I INDIKATORËVE	7
PËRZGJEDHJA E KOMUNAVE.....	7
STATISTIKAT KRAHASUESE 2017/2016	8
TRANSPARENCA NË KOMUNË.....	15
TRANSPARENCA NË RAHOVEC.....	16
TRANSPARENCA NË MALISHEVË	18
TRANSPARENCA NË PRIZREN.....	20
TRANSPARENCA NË SUHAREKË	22
TRANSPARENCA NË DRAGASH	24
TRANSPARENCA NË MAMUSHË	26
REKOMANDIMET.....	28
ANEKSET. INDIKATORËT DHE KOMENTET	31



HYRJJE

Transparenca dhe hapja e një institucioni ndaj publikut është tregues thelbësor për mënyrën e qeverisjes së atij institucioni nga udhëheqësit, të zgjedhurit. Në një sistem të shëndoshë demokratik, secili institucion publik qoftë lokal apo qendror duhet të jetë transparent dhe i hapur, në mënyrë që qytetarët të jenë të informuar dhe të kenë mundësi të marrin pjesë aktive në proceset e vendim-marrjes. Në kuptimin e ngushtë të fjalës, një institucion konsiderohet i hapur, kur para së gjithash qytetarëve u mundësohet që të jenë të pranishëm, madje edhe fizikisht dhe të përcjellin nga afër punimet e tij.

Rëndësia e transparencës shtohet edhe më tutje kur kemi të bëjmë me institucionet lokale. Ato si të tilla janë mekanizmi i parë ku qytetari adreson problemet dhe shqetësimet e tij dhe komunitetit. Rruga, trotualet, uji, kanalizimet, shkollat, mirëqenia janë problemet jo vetëm që duan zgjidhje nga autoritetet lokale, por edhe alternativat për zgjidhje duhet të nxjerrjen pas një procesi transparent dhe pas një konsultimi të gjerë me qytetarët e asaj komune.

Nëse ndodh e kundërta, kjo mund të qoj në keqpërdorime të pushtetit, niveli i ulët i këtij elementi thelbësor të qeverisjes, transparencës ndaj publikut, shkakton mos informim të duhur të publikut, ngrit mosinteresimin e publikut në punët publike dhe ulë pjesëmarrjen qytetare, një tjetër element i rëndësishëm për qeverisje të mirë.

Në kontekstin e bazës ligjore për transparencë në Komuna, vendi ynë ka një kornizë solide e cila garanton institucione transparente në funksion të qytetarëve të saj. Kushtetuta, ligji për vetëqeverisjen lokale, ligji për qasjen në dokumente publike janë dokumentet themelore që përcaktojnë transparencën e institucioneve lokale. Normalisht me jo më pak rëndësi janë edhe aktet dhe konventat ndërkombëtare si Karta e Evropiane e për Vetëqeverisjen Lokale, të cilat Kosova edhe pse ende nuk është palë nënshkruese i ka pranuar si akte të zbatueshme në legjisllacionin vendor.

Me qëllim të përmirësimit të këtij procesi KDI ka filluar monitorimin e 6 Komunave të Regjionit të Prizrenit, me theks të veçantë transparencën e tyre karshi publikut. Kjo matje realizohet përmes një indeksi i cili ngërthen në vete 44 indikatorë matës të transparencës komunale. Përmes këtyre indikatorëve provohet të silltet një metodologji të lehtë dhe objektive për matje të transparencës në komuna

dhe gatishmërinë e zyrtarëve lokal për të qenë të hapur ndaj publikut dhe gjithëpërfshirës në vendimmarrje. Pra, Transparometri përbën në vete një mekanizëm të krahasimit të transparencës së qeverive lokale të udhëhequra nga subjekte të ndryshme politike. Po ashtu, ky indeks krijon mundësinë që të dallohen komunat me performancë më të mirë nga ato me performancë më të dobët në qeverisje dhe të mënjanohë përgjithësimet në vlerësim të komunave që shpesh janë abuzuar nga akterë të ndryshëm.



METODOLOGJIA

Vlerësimi i Transparimetrit ndjek një metodologji të matjes së indikatorëve në mënyrë objektive përgjatë katër shtyllave themelore të qeverisjes lokale. Ky indeks përbëhet nga 44 indikatorë dhe matë transparencën në *Zyrën e Kryetarit/es, Kuvendin e Komunës, Financat Komunale dhe transparencën në Konsultime me Publikun (secila nga katër shtyllat përmban nga 11 indikatorë).*

Indikatorët janë përzgjedhur me kujdes duke u bazuar në përgjegjësitë dhe kompetencat nën qeverisjen lokale që përcaktohen me ligjet në fuqi. Indikatorët prekin përgjegjësitë bazike të qeverive lokale, aty ku transparencja duhet të jetë e garantuar, dhe nuk shkon në thellësi të matë transparencën edhe në disa sektorë specifik që janë nën kompetencën e komunës si transparencja në shëndetësi, arsim apo planifikim urban.

Para se të fillojë vlerësimi i transparencës komunale me indikatorë, KDI ka ndarë dhe diskutuar pyetësorin me zyrtarët për informim të komunave.

RËNDËSIA DHE VLERËSIMI I INDIKATORËVE

Rëndësia dhe pesha e indikatorëve është përcaktuar varësisht nga ndikimi që mund të ketë në kontekstin e transparencës së institucioneve komunale.

Kjo rëndësi e indikatorëve është shprehur në numra dhe varion nga 1 deri në 3 (shikoni Aneksin 1 për indikatorët dhe peshën e tyre). Për secilën nga katër shtyllat, pesha maksimale e 11 indikatorëve së bashku është 35.

Ndërsa vlerësimi i secilit indikatorë është bërë me notën 0 deri në 3 (0 është dhënë aty ku komuna s'ka qenë fare transparente, 3 është dhënë në ata indikatorë ku komunat kanë qenë plotësisht transparente, ndërsa 1 dhe 2 janë dhënë për ata indikatorë ku komuna ka qenë pjesërisht transparente). Nota vlerësuese (0-3) është përpjesëtuar me peshën indikatorit dhe është nxjerrë një vlerësimi i atij indikatorit. Shuma e notave vlerësuese të 11 indikatorëve

ka dhënë dhe notën e përgjithshme për komunën në atë shtyllë (Zyre të Kryetarit/es, Kuvend Komunal etj).

Matja e transparencës së indikatorëve është bërë përmes katër mënyrave: ueb-faqes zyrtare të komunës, intervistimit të zyrtarëve komunal (pozitiv dhe opozitiv), monitorimit të takimeve zyrtare të komunave dhe kërkesave për qasje në dokumente publike.

PËRZGJEDHJA E KOMUNAVE

Instituti Demokratik i Kosovës (KDI) në kuadër të programit të qeverisjes lokale implementon projektin “Pjesëmarrja e qytetarëve për transparencë dhe llogaridhënie” projekt ky i cili mbështet nga Olof Palme International Center (OPIC). Projekti i tillë ka për synim monitorimin dhe vlerësimin e Kuvendeve të Komunave të regjionit të Prizrenit me qëllim të ndikimit në rritjen e transparencës dhe llogaridhënies nga institucionet vetëqeverisëse lokale.

Një nga qëllimet e “Transparimetrit” është edhe nxitja e konkurrencës për performancë më të mirë në transparencë. Andaj, në vlerësimin e indeksit që do të shpaloset më poshtë janë të përfshira gjashtë (6) komunat e regjionit të Prizrenit (Prizren, Suharekë, Rahovec, Malishevë, Dragash dhe Mamushë).

STATISTIKA KRAHASUESE 2017/2016


Komunat e targetura në vlerësim dhe majtën e transparencës gjatë vitit 2016¹ dhe 2017 kanë shënuar rritje të ndjeshme të transparencës komunale. Komuna e Malishevës ka shënuar progresin më të madhe në përmirësimin e indikatorëve

vlerësues gjatë vitit 2017 e cila në gjatë mujorin e parë të vitit 2016 nga 61.9 % te vlerësimit të përgjithshëm të transparencës, në këtë vit është rritur në 77.4 %. Pas komunës së Malishevës vjen komuna e Rahovecit me përmirësimin e indikatorëve gjatë vitit 2017, pastaj komuna e Suharekës, Komuna e Dragashit, Prizrenit dhe Mamushës.

¹ Transparometri komunal, janar-qershor 2016

■ 2017

■ 2016





KOMUNA E PRIZRENIT

Komuna e Prizrenit ka arrit ta përmirësoj indikatorët vlerësues të transparencës në vitin 2017 ku nga 20.9 pikë të vlerësimit të përgjithshëm gjatë vitit 2017 ka arritur ti ketë 23.56 pikë nga 35 pikë sa është edhe maksimalja. Shtylla e financave mbetet si shtyllë e cila ka shënuar rritje më

së shumti gjatë vitit 2017, nga 25.0 pikë mesatare është rritur në 27.7 pikë. Shtylla e e Kuvendit të Komunës nuk ka pësuar ndryshim në vlerësimin e transparencës krahasuar me dy vitet e matjes së transparencës komunale.



PIKËT MESATARE

23.5

20.9



Kuvendi i Komunës



Ekzekutivi



Financa



Konsultime

KOMUNA E SUHAREKËS

Komuna e Suharekës gjatë vitit 2017 ka shënuar rritje në pikët mesatare për 4 shtyllat e vlerësimit, nga 19.7 pikë sa ishte në vitin 2016 është ngritur në 23.0 pikë mesatare në vitin 2017. Komuna e Suharekës vazhdon të jetë më transparente në zyrën e Kuvendit të Komunës dhe në Konsulti-

min e publikut. Ekzekutivi mbetet si shtyllë me pikë më të ulët edhe në vitin 2017 me vetëm 18.7 pikë mesatare derisa shtylla e financave ka pësuar një rënie krahasuar me vitin 2016 nga 27.7 pikë në 20.0 pikë mesatare.



PIKËT MESATARE

23.0

19.7



Kuvendi i Komunës



Ekzekutivi



Financa



Konsultime





KOMUNA E MALISHEVËS

Krahasuar me vitin 2016, komuna e Malishevës në vitin 2017 ka shënuar një rritje të ndjeshme të pikave mesatare në 4 shtyllat e vlerësimit të matjes së transparencës. Nga 21.7 pikë mesatare që kishte në vitin 2016 është ngritur në 27.1 pikë mesatare në vitin 2017.

Edhe gjatë vitit 2017, shtylla e kryetarit të komunës mbetet ndër shtyllat më transparente në komunën e Malishevës me gjithsej 27.3 pikë mesatare derisa rritja më të madhe në vitin 2017 kishte zyra e Kryetarit të Komunës nga 20.3 pikë në 29.7 pikë mesatare



Kuvendi i Komunës



Ekzekutivi



Financa



Konsultime

KOMUNA E RAHOVECIT

Komuna e Rahovecit ka shënuar progres të madh gjatë vitit 2017 duke arritur të akumulojë 29.5 pikë mesatare në katër shtyllat e vlerësimit. Përmirësim më të madh të indikatorëve vlerësues të transparencës kishte në shtyllën e

konsultimeve publike nga 17.6 pikë në 23.3 pikë mesatare pastaj tek e financave ku nga 35 pikë maksimale ka arrite në 32.3 pikë në këtë shtyllë.



Kuvendi i Komunës



Ekzekutivi



Financa



Konsultime






KOMUNA E DRAGASHIT

Komuna e Dragashit vazhdon të ketë rritja në përmirësimin e indikatorëve vlerësues të matjes së transparencës bazuar në metodologjinë e transparometri komunal. Nga 18.9 pikë mesatare sa kishte në vitin 2016, në vitin 2017 është rritur për 22.0 pikë mesatare nga 35 pikët mesatare maksimale për katër shtyllat e vlerësimit.



Rritje më të ndjeshme kishte tek shtylla e transparencës së Kuvendit të Komunës derisa shtylla e transparencës së financave, ekzekutivit qëndroj pothuajse e njejtë duke mos arri të përbushë vlerësimin e indikatorëve vlerësues në vitin 2017.



KOMUNA E MAMUSHËS

Komuna e Mamushës vazhdon të mbetet si komuna me vlerësim më negative. Krahasuar me komunat tjera të rajonit të Prizrenit, ku edhe në vitin 2017 nuk shënoi progres në përmirësimin e 44 indikatorëve vlerësues bazuar në metodologjinë e vlerësimit në këtë transpometër komuna.

Në vitin 2016 nga 8.1 pikë mesatare për katër shtyllat e vlerësimit është vlerësuar me 9.7 pikë në vitin 2017. Shtylla me më pak përmirësime të indikatorëve vlerësues mbetet shtylla e ekzekutivit /Zyra e Kryetarit me vetëm 4.3 pikë nga 35.0 pikë sa është edhe maksimalja e pikave për çdo shtyllë të vlerësimit.



RENDITJA EKOMUNAVE

Në përgjithësi transparenca në komuna (këto të përfshira në studim) ka lënë për tu dëshiruar, duke përfshirë këtu disa nga komunat me kryetarë të rinj. Nga 44 indikatorët matës që përbëjnë këtë indeks, kryesisht në katër fusha thelbësore të qeverisjes lokale, asnjë komunë nuk del të jetë 100% transparente. Kjo tregon që edhe komunat me performancën më të mirë në qeverisje kanë ende punë për të bërë që të jenë plotësisht transparente, së paku në këto çështje thelbësore të qeverisjes që ky indeks i adreson.

Disa pengesa tek transparenca komunale shkaktohen nga Ministria për Administratë Publike për shkak se ajo është përgjegjëse për platformën dhe menaxhimin e ueb-faqeve të komunave, gjë që kufizon komunat në përpjekje për të bërë dokumente dhe informata lehtë të qasshme për qytetarët e saj. Ueb-faqet e komunave janë të centralizuara dhe nuk lejojnë hapësirë për modernizim dhe përshtatje të ueb-faqeve për qytetarët nga komunat e tyre përkatëse. Duke pasur parasysh përdorimin e internetit në kohët e sotme, ueb-faqet janë tejet të rëndësishme për institucionet publike të bëjnë informatat dhe dokumentet lehtë të qasshme për publikun.

Përgjegjësia më e madhe për hapje të komunës ndaj qytetarëve i mbetet udhëheqësve lokal dhe administratës lokale. Shpërndarja e informatës për planet, planifikimet

buxhetore dhe planifikimet e projekteve mbeten sfida që duhet të adresohen dhe praktikohen nga vetë udhëheqësit komunal. Gjatë punës tone, shumë herë kemi has në mos gatishmëri për të ndarë informatën, herë për shkak të mos vullnetit, herë për shkak të frikës se zyrtarëve të administratës për të ndarë një informatë publike pa dijen e udhëheqësve politik të komunave.

MAPL gjithashtu mund të bëjë shumë më shumë që rregulloret që i lëshon të zbatohen në nivel komunal. Kjo ministri shpesh anashkalon mbikëqyrjen e zbatimit të rregulloreve për komuna. Kurse Asociacion i Komunave mund të bëjmë më shumë në koordinimin e komunave që të adresojnë sfidat me të cilat komunat përballen për të qenë më të hapur ndaj publikut dhe më të qasshëm nga publiku dhe si të ngriten kapacitetet për të qenë më transparent.


Nga 44 indikatorët matës të transparencës që përbëjnë këtë Transparometër (shih metodologjinë për përzgjedhje e indikatorëve dhe Aneksin 1 për indikatorët dhe peshën e tyre në vlerësim) del se disa ngecje në qeverisje komunat i kanë të përbashkëta dhe kurse disa ngecje që qëndrojnë tek një komunë nuk qëndrojnë tek disa të tjera. Të gjeturat e këtij indeksi tregojnë që performanca në transparencë e komunave dallon dhe përderisa disa komuna janë në rrugë të mirë për të arritur transparencë totale në çështje bazike, disa komuna janë hermetikisht të mbyllura ndaj publikut.

SHTYLLA	PIKË TË MUNDSHME	VLERËSIMI PËR KOMUNË					
		Prizren	Suharekë	Rahovec	Malishevë	Dragash	Mamushë
Ekzekutivi	35.0	20.0	18.7	31.3	29.7	15.0	4.3
Kuvend	35.0	23.0	32.0	31.0	27.3	28.0	12.0
Financa	35.0	27.7	20.0	32.3	25.0	26.7	9.3
Konsultime me publikun	35.0	23.3	21.3	23.3	26.3	18.3	13.3
Pikë/Komunë	140	94.0	92.0	117.9	108.3	88.0	38.9
Mesatarja e Pikëve	35	23.5	23.0	29.5	27.1	22.0	9.7
Niveli i Transparencës		67.1 %	65.7 %	84.2 %	77.4 %	62.9 %	27.8 %

Në bazë të gjeturave të këtij indeksi me 44 indikatorë në katër fushat bazike të qeverisjes lokale, të matur për periudhën gjashtë mujore (janar-dhjetor 2017) del se Komuna e Rahovecit ka qenë komuna më transparente nga gjatë komunat e matura me 84.2 % transparente. Pastaj

radhiten Komuna e Malishevës (77.4 % transparente), Komuna e Prizrenit (67.1 % transparente), Komuna e Suharekës (65.7 % transparente), Komuna e Dragashit (62.9 % transparente) dhe Komuna e Mamushës me (27.8 % transparente).

✓ NIVELI I TRANSPARENCËS KOMUNALE



✓ Radhitja e komunave për nga performanca më e mirë në Transparencetrin e Zyrës së Kryetarit/es, nga 35 pikët e mundshme, del të jetë Komuna e Rahovecit (31.3 pikë), Komuna e Malishevës (29.7 pikë), Komuna e Prizrenit (20.0 pikë), Komuna e Suharekës (18.7 pikë) Komuna e Dragashit (15.0 pikë), dhe Komuna e Mamushës (4.3 pikë).

✓ Radhitja e komunave për nga performanca më e mirë në Transparencetrin e Financave Komunale, nga 35 pikët e mundshme, del të jetë Komuna e Rahovecit (32.3 pikë), Komuna e Prizrenit (27.7 pikë), Komuna e Dragashit (26.7 pikë), Komuna e Suharekës (20.0 pikë), Komuna e Malishevës (25.0 pikë) dhe Komuna e Mamushës (9.3 pike).

✓ Radhitja e komunave për nga performanca më e mirë në Transparencetrin e Kuvendit të Komunës, nga 35 pikët e mundshme, del të jetë Komuna e Suharekës (me 32.0 pikë) Komuna e Rahovecit (31.0 pikë), Komuna e Malishevës (me 27.3 pikë), Komuna e Prizrenit (me 23.0 pikë), Komuna e Dragashit me (28.0 pikë) dhe më së paku transparente del të jetë Komuna e Mamushës (12.0 pikë).


✓ Radhitja e komunave për nga performanca më e mirë në Transparencetrin e Konsultimeve me Publikun, nga 35 pikët e mundshme, del të jetë Komuna Malishevës (me 26.3 pikë), Komuna e Rahovecit dhe Prizrenit me nga (23.3 pikë), Komuna e Suharekës (me 21.3 pikë), Komuna e Dragashit (18.3 pikë) dhe Komuna e Mamushës (me 13.3 pikë).

**TRANSPARENCA
NË KOMUNË**



TRANSPARENCA NË

RAHOVEC



Janar - Dhjetor 2017

Komuna e Rahovecit del të jetë komuna e parë më transparente në kuadër të komunave të regjionit të Prizrenit me 84.2 % të nivelit të përgjigjëm bazuar në 44 indikatorë.



"Transparenca e Kuvendit të Komunës". Kuvendi i Komunës së Rahovecit del të jetë më transparente në krahasim me komunat tjera të regjionit të Prizrenit me 31.0 pikë nga 35 sa edhe është maksimumi i pikëve. Në këtë shtyllë, Komuna e Rahovecit qëndron mirë në "seancat e hapura për publikun", "qasja në rendin e ditës", "qasja nq draft rregullore dhe plane" "qasje në rregulloret dhe vendimet". "mbajtjen e seancave të rregullta", "qasja ne procesverbalet e mbledhjeve te Kuvendit të Komunës 'plani i punës së Kuvendit për vitin 2017", si dhe publikimi i "planit për transparencë për vitin 2017".

Relativisht mirë qëndron në këta indikatorë", "detajet biografike dhe kontaktet me anëtarë të Kuvendit të Komunës", "Komitetet e hapura për publikun". Edhe gjatë kësaj periudhe, Kuvendi i Komunës së Rahovecit ka qëndëruar negativisht në pamundësinë e transmetimit direkt të seancave të kuvendit të Komunës.

Kuvendi i Komunës së Rahovecit duhet të shtojë përpjekjet për transparencë më të madhe të punës së Komiteteve dhe Komisioneve si trupa ndihmës së këtij institucioni. Gjatë kësaj periudhe, Kuvendi i Komunës së Rahovecit nuk ka

bërë sa duhet në njoftimet për mbajtjen e mbledhjeve të Komiteteve sidomos të mbledhjes së Komisioneve të formuara nga ana e Kuvendit.

Kuvendi i Komunës së Rahovecit gjatë kësaj periudhe nuk ka rritur nivelin e transparencës së Kuvendit përmes transmetimit direkt të mbledhjeve të këtij institucioni. Ky institucion duhet të shikojë mundësit reale për të transmetuar seancat e mbledhjeve në ndonjë medium lokal që do të ndikonte në rritjen e transparencës së punës dhe rritjen e nivelit të përgjegjësisë së anëtarëve karshi qytetarëve.



"Transparenca e Ekzekutivit". Nga 35 sa edhe është maksimumi i pikëve, me 31.3 pikë është vlerësuar transparenca e ekzekutivit të Komunës së Rahovecit dhe në raport me transparencën e Kuvendit të Komunës qëndron më mirë. Ekzekutivi i komunës është vlerësuar në këtë mënyrë pasi që nuk ka publikuar "planin e punës së Kryetarit për vitin 2016". Po ashtu, komuna e Rahovecit nuk ka arritur te këtë standardizimin e plotë të ueb faqës me gjuhën tjetër zyrtare edhe pse ka shënuar progres të dukshëm nga viti në vit..

Kryetari i Komunës së Rahovecit duhet të publikojë në ueb faqen zyrtarë të Komunës Planin e Punës për vitin 2018 si dhe të ketë gatishmërinë e raportimit në baza gjashtë mujore për punën e ekzekutivit të komunës. Njëkohësisht, Kuvendi i Komunës së Rahovecit duhet të shtojë përpjekjet



për mbikëqyrjen dhe kërkesë në raport me ekzekutivin e komunës për raportime periodike në baza gjashtëmujore.

Megjithatë, Kryetari i Komunës së Rahovecit ka publikuar raportin gjashtë mujor të punës në ueb faqen zyrtare të komunës duke vazhduar në praktikimin e publikimit të raportit gjashtëmujor të punës në ueb faqen e komunës, i përmbledhur në një raport të vetëm, për gjithë dikasteret e komunës.

Ekzekutivi i Komunës së Rahovecit gjatë kësaj periudhe ka marrë notë maksimale edhe në indikatorin e kthimit të përgjigjeve sipas legjislacionit aktual duke respektuar afatet e caktuara. Një nga vlerësimet tjera maksimale për transparencën e punës së Kryetarit të Komunës së Rahovecit mbetet edhe jetësimi i vizitës javore për qytetarët e kësaj komune si dhe palë tjera të interesit.

Dy nga indikatorët tjerë të vlerësuar në këtë periudhë për ekzekutivin e komunës mbeten kriteret për konkurset publike dhe publikimi i tyre si dhe publikimi i vendimeve të Kryetarit të Komunës në baza të rregullta. Ajo çka vlen të vlerësohet në ekzekutivin e komunës së Rahovecit mbetet edhe publikimi i urdhëresave të Kryetarit të Komunës si vendime të tij dhe të vlefshme për institucionet dhe banorët e kësaj komune.

Një nga indikatorët më pak të vlerësuar gjatë kësaj periudhe mbetet mos azhurimi i “ueb faqes së komunës në gjuhë tjetër zyrtare” ku kemi pak të dhëna duke mos freskuar në mënyrë paralele me gjuhën tjetër zyrtare.



“Transparenca Financiar e Komunës”. Komuna e Rahovecit në transparencën financiare është vlerësuar me 32.3 pikë nga 35 të mundshmet dhe është vlerësuar si shtylla e tretë më transparente në kuadër të katër shtyllave të vlerësuara.

Pikët maksimale ka marr tek *“ndryshimet buxhetore të miratuara në Kuvendin e Komunës”, “publikimi në ueb faqen e komunës së raporteve tre mujore financiare si dhe vjetore”, “publikimin e raportit të Auditimit për vitin 2016”, “publikimi i të hyrave vetanke të komunës në baza periodike”, “plani i buxhetit dhe kohëzgjatja e projekteve kapitale” si dhe publikimi i “listës së pronave dhe asteve komunale të dhëna dhe të marra me qira”.*

Komuna e Rahovecit gjatë kësaj periudhe ka trajtuar dhe shqyrtuar me vonës raportin tre mujor financiar në Kuvendin e Komunës. Po ashtu Komuna e Rahovecit nuk ka publikuar në kohë të gjitha njoftimet për kontratë dhe dhënie të kontratës në ueb faqen e komunës.

Gjatë këtij viti, Komuna e Rahovecit ka përmirësuar indikatorin relevant në procesin e prokurimit publik të kësaj komune duke për publikë dhe të qasëshme përmes ueb faqes së komunës planin e prokurimit për vitin 2017




“Transparenca në Konsultime me Publikun”. Komuna e Rahovecit ka marrë 23.3 pikë nga 35.0 sa është maksimalja. Në këtë gjashtë mujorë në vazhdimësi ka respektuar kriteret ligjore në “njoftimin e publikut për online dhe offline”, “mbajtja e takimeve të rregullta me qytetarë”, “konsolidimi dhe konsultimi i bashkësive lokale” si dhe “organizimi i dëgjimeve publike dhe buxhetore (KAB)”.

Komuna e Rahovecit është notuar pozitivisht në disa nga indikatorët si “material përcjellëse për qytetarët për dëgjimet publike dhe buxhetore” si dhe “hapjen e të dhënave statistikore (OPEN DATA). Pozitivisht është vlerësuar në katër indikatorë si “raport nga konsultimet publike dhe dëgjimet buxhetore (KAB)”, “takimet me organizata e shoqërisë civile” si dhe “listën e hollësishme të ofrimit të shërbimeve nga dikasterët komunal”.

Po ashtu, me zero (0) pikë është vlerësuar në dy indikatorë si “linjë direkte telefonike pa pagesë për qytetarë” si dhe “mungesa e krijimit të një faqe në rrjetin social “Facebook”. Komuna e Rahovecit duhet të shtojë përpjekjet në hartimin e udhëzuesve për secilin dikasterë se si qytetarët mund të ju qasen ofrimit të shërbimeve të caktuara si dhe të krijohen mundësit nga ana e Komunës së Rahovecit që të ofrojë një linjë telefonike pa pagesë për qytetarët si dhe të krijojë një profilë në rrjetin social “Facebook” me qëllim të interaktivitetit të ndërsjelltë qytetarë-komunë.



TRANSPARENCA NË MALISHEVË



Janar - Dhjetor 2017

Komuna e Malishevës del të jetë komuna e dytë më transparente, me një nivel të transparencës prej 77.4 %. Institucioni më transparent i Komunës së Malishevës është Zyra e Kryetarit në të cilin kjo komunë është vlerësuar me 29.7 pikë, ndërsa Komuna e Malishevës është më pak transparente në shtyllën e Financave ku është vlerësuar me 25.0 pikë nga 35 pikë sa është maksimalja e vlerësimit.



“Transparenca e Kuvendit të Komunës”. Komuna e Malishevës qëndron mirë në këto fusha: *“qasja në rendin e ditës”, “takime e seancave të hapura për publik”, “transmetimi i seancave të Kuvendit të Komunës”, “qasja në draft rregulloret dhe planet”, “komitetet e hapura për publikun”, “qasja në rregulloret dhe vendimet të Kuvendit të Komunës” si dhe “mbajtja e seancave të rregullta (10 në vit/5 në gjashtë mujorin e parë)”.*

Gjatë kësaj periudhe të vlerësimit të transparencës së Kuvendit të Komunës, ky institucion ka arritur që secila mbledhje e kuvendit të jetë e hapur për publikun si dhe janë përmirësuar kushtet në sallën e kuvendit për pjesëmarrjen e publikut, ka transmetuar direkt seancat e Kuvendit në radio lokale si dhe ka plotësuar obligimin ligjor në mbajtjen e mbledhjeve.

Po ashtu, gjatë kësaj periudhe vlerësuese, Kuvendi i Komunës së Malishevës ka vazhduar të qëndroj mirë në njoft-

imin me kohë për mbajtjen e mbledhjeve të komiteteve obligative si dhe komiteteve të tjera që i ka themeluar Kuvendi i Komunës së Malishevës.

Po ashtu, gjatë kësaj periudhe nuk kemi plotësim të mëtejshëm të detajeve biografike për anëtarë të Kuvendit të Komunës megjithatë të pasqyruara kanë qenë kontaktet dhe email adresat e anëtarëve të Kuvendit të Komunës.

Kuvendi i Komunës së Malishevës në vitin 2015 kishte marrë vendim që procesverbalet e mbledhjeve të këtij institucioni të publikohen në ueb faqen e komunës. Edhe përkundër këtij vendimi, Kuvendi i Komunës së Malishevës vazhdon të mos i pasqyrojë procesverbalet e mbledhjeve në ueb faqen e komunës duke u vlerësuar me pike negative edhe gjatë periudhës së parë të këtij viti.

Komuna e Malishevës ka vazhduar të injorojë obligimet ligjore sa i përket publikimit të planit për transparencë për vitin 2017. Vetëm në fund të vitit 2017, Komuna e Malishevës ka publikuar Strategjinë për informim dhe pjesëmarrje të publikut në vendimmarrje duke ngërthyer edhe planin e veprimtimit për transparencë.



“Transparenca e Ekzekutivit të Komunës”. është vlerësuar me 29.7 pikë nga 35 pikë sa është maksimalja e pikëve. Ekzekutivi i Komunës qëndron mirë në 7 (shtatë)



nga 11 (njëmbëdhjet) indikatorë: “zyrtarë për informim & koordinator për qasje në dokumente publike”, “vizita javore të kryetarit për pritjen e qytetarëve”, “publikimi i konkurseve për punësim dhe kriteret në ueb-faqe”, “publikimi i planit të punës së Kryetarit”, “publikimi i vendimeve të Kryetarit të Komunës” etj.

Vlen të përcëtohet se Komuna e Malishevës është komuna e vetme e rajonit të Prizrenit e cila e ka publikuar planin e punës së Kryetarit të Komunës për vitin 2017.

Komuna e Malishevës gjatë kësaj periudhe nuk është vlerësuar maksimalisht në disa indikatorë si: “niveli i kthimit të përgjigjeve për kërkesat për qasje në dokumente publike”, si dhe “detajet biografike dhe kontaktet (numri kontaktues dhe email adresat) në ueb faqen e komunës”, “publikimi i PZHK-s dhe planeve tjera urbane”.

Komuna e Malishevës nuk është vlerësuar maksimalisht në këta indikatorë për shkak të vonësës në respektimin e legjislacionit në kthimin e përgjigjeve për qasje në dokumente publike. Po ashtu, Komuna e Malishevës nuk ka azhuruar më tej detajet biografike të drejtorëve të drejtorive komunale.

Në këtë shtyllë, Komuna e Malishevës ka vazhduar të jetë jo-transparente në një prej indikatorëve vlerësues në “azhurmimin e ueb faqes së komunës në gjuhë tjetër zyrtare”. Këtë indikatorë kjo komunë nuk e ka përmbushur andaj Kryetari i Komunës duhet të shtojë përpjekjet në përmirësimin e transparencës në gjuhën tjetër zyrtare.



“Transparenca Financiar e Komunës”. Në raport me transparencën e Zyrës së Kryetarit, në transparencë financiare kjo komunë është treguar për një nuancë më e dobët duke akumuluar 25.0 pikë nga 35 pikë sa është maksimalja.

Pikët maksimale ka marr tek “ndryshimet buxhetore të miratuara në Kuvendin Komunal”, “publikimi i raportit të shpenzimeve tre mujore në ueb faqen e komunës”, “publikimi i raportit të auditorit të përgjithshëm për vitin 2016”, “publikimin e planit të prokurimit për vitin 2017”, “publikimi i listës së pronave dhe aseteve komunale të dhëna dhe të marra me qira”, “publikimi i të hyrave vetanake të komunës në ueb faqen e komunës”.

Komuna e Malishevës edhe gjatë vitit 2017 është vlerësuar negativisht në këtë indikatorë: “borxhi publik komunal (borxh kompaniv)”. Në këtë indikatorë është vlerësuar negativisht për shkak se në këtë periudhë, Komuna e Malishevës nuk ka publikuar në ueb faqen e komunës borxhin publik komunal në baza periodike.




“Transparenca në Konsultime me Publikun”. Në këtë gjashtë mujor Komuna e Malishevës ka marrë 26.3 pikë nga 35 pikë sa është maksimalja duke bërë përpjekje në përfshirjen e qytetarëve në hartimin e politikave publike. Në këtë periudhë vetëm në njërin nga 11 indikatorët vlerësues në këtë shtyllë ka marrë notë negative duke mos arritur të sigurojë një “linjë telefonike pa pagesë për qytetarët”.

Në këtë periudhë më nota maksimale është vlerësuar në këta indikatorë: “njoftimi online dhe offline për takimet publike”, “organizimi i takimeve të rregullta me qytetarë”, “organizimi i dëgjimeve publike dhe dëgjimeve buxhetore”, “materiali përccjellës për dëgjimet buxhetore” si dhe “riferenskimi i ueb faqes së Facebook-ut”.

Me nota minimale Komuna e Malishevës qëndron në këtë indikatorë: “listën e hollësishme të shërbimeve që ofron institucioni për publikun”. Aktualisht, komuna e Malishevës ofron informacione mbi procedurat e marrjes së shërbimeve vetëm nga ofiqaria duke përjashtuar dikastërët tjerë komunal që nuk kanë ofruar informacion mbi mënyrën dhe procedurat e marrjes së shërbimeve nga ana e qytetarëve.


Komuna e Malishevës nuk ka arritur të ofrojë raport të detajuar nga mbajtja e organizimeve të konsultimeve të politikave publike me publikun dhe dëgjimet buxhetore. E vetmja informatë në mbajtjen e këtyre konsultimeve dhe dëgjimeve ka qenë informata në ueb faqen e komunës në formë të lajmeve duke mos i arhivuar si raporte apo procesverbale të këtyre organizimeve.

Komuna e Malishevës duhet të shtojë përpjekjet maksimale në përmirësimin e indikatorëve kyç sidomos në listën e ofrimit të shërbimeve për secilën drejtori dhe format, procedurat e marrjes së atyre shërbimeve si dhe në publikimin e të dhënave të tjera statistikore për komunën.



TRANSPARENCA NË

PRIZREN



Janar - Dhjetor 2017

Komuna e Prizrenit del të jetë komuna e tretë më transparente, me një nivel të transparencës prej 67.1 %. Institucioni më transparent i Komunës së Prizrenit është shtylla e financave, në të cilin kjo komunë është vlerësuar me 27.7 pikë, ndërsa Komuna e Prizrenit është më pak transparente në shtyllën e Kuvendit të Komunës ku është vlerësuar me 23.0 pikë nga 35 pikë sa është maksimalja e vlerësimit.



“Transparenca Financiar e Komunës”. Komuna e Prizrenit gjatë periudhës vlerësuese të transparencës në këtë shtyllë ka arritur të akumulojë 27.7 pikë nga 35 pikë sa është maksimalja dhe vlerësuar në 11 indikatorë bazik.

Sipas të dhënave të mbledhura për këtë hulumtim, vlerësimin më të lartë ka marr tek *“ndryshimet buxhetore të miratuara në Kuvendin e Komunës”*, *“publikimi i raportit të auditorit të përgjithshëm”* *“publikimi i të hyrave vetanake të komunës”*, *“publikimi i kontratave”* si dhe ne publikimin e *“listës së pronave (zyre, lokale) në pronësi dhe të marra me qira për komunën”*.


Në gjithë këta indikatorë, Komuna e Prizrenit është vlerësuar maksimalisht për faktin e respektimit të afateve dhe procedurave për ardhjen në kuvend të ndryshimeve buxhetore (rishikimi i buxhetit) edhe përkundër mos miratimit të tij në Kuvend, si dhe ka respektuar legjislacionin bazë në publikimin e raporteve tre mujore financiare. Po ashtu, Komuna e Prizrenit ka respektuar

kërkesat për qasje në dokumente publike në marrjen e kontratave me operatorë të ndryshëm ekonomik.

Me nota të mirë është vlerësuar edhe në këta indikatorë si: *“diskutimi brenda afateve ligjore në Kuvend të shpenzimeve tre mujore”*, *“plani dhe buxheti i projekteve kapitale për vitin 2017”*.

Minimalisht është vlerësuar në vetëm në një indikatorë tek *“publikimi i planit të prokurimit për vitin 2017”*. Komuna e Prizrenit është vlerësuar kështu për arsye se nuk e ka publikuar planin e prokurimit për vitin 2017 në ueb faqen e komunës mirëpo ka lejuar qasje në kërkesën për qasje në dokumente publike. Po ashtu vlerësim minimal ka marr edhe në indikatorin tjetër të rendësishëm *“njoftimi për kontratë dhe dhënie të kontratës”*, ku nuk janë publikuar me kohë këto njoftime në ueb faqen e komunës së Prizrenit.

Ndërsa mungesë të transparencës Komuna e Prizrenit ka treguar tek *“mos publikimi i borxhit publike komunal në ueb faqen e komunës”*. Komuna e Prizrenit ka dështua më publikimin e borgjit publik komunal duke mos pasqyruar obligimet ndaj Operatorëve Ekonomik në kuadër të raporteve tre mujore financiare. Publikimi i borgjeve është bërë vetëm në raportin përfundimtar financiar për vitin 2016.





“Transparenca e Ekzekutivit”. Transparenca e Ekzekutivit është vlerësuar me 20.0 nga 35 pikë maksimale. Ekzekutivi i komunës është vlerësuar me notë maksimale vetëm në 4 (katër) nga 11 indikatorët e kësaj shtylle si: *“vendimet e kryetarit të Komunës”, “publikimi i planeve urbanistike të komunës” si dhe “zyrtarë për informim dhe koordinim për qasje në dokumente publike”, “Konkursi dhe kriteret në ueb faqe për punësim”.* Po ashtu, 4 nga 11 indikatorët është vlerësuar më notë të mirë megjithatë nuk ka qenë plotësisht transparentë në këtë gjashtëmujorë. *“niveli i kthimit të përgjigjeve për qasje në dokumente publike”,*

“detajet biografike të Kryetarit dhe Drejtoreshave të drejtorive komunale”, “publikimi i raportit gjashtë mujor të punës si dhe “ueb faqja e azhuruar në gjuhë tjera zyrtare”.

Gjatë kësaj periudhe vetëm Drejtoria e Turizmit dhe Zhvillimi Ekonomik si dhe Drejtoria për Ekonomi dhe Financa kanë publikuar raportin gjashtë mujor të punës. Komuna e Prizrenit në kërkesat për qasje në dokumente publike nuk ka respektuar afatet ligjore në kthimin e përgjigjeve duke u vonuar dhe shkaktuar vonesa.

Ekzekutivi i Komunës së Prizrenit është vlerësuar negativisht në 3 nga 11 indikatorët e kësaj shtylle. Gjatë kësaj periudhe ekzekutivi i komunës nuk kishte të publikuar planin e punës së Kryetarit të Komunës për vitin 2017, nuk janë praktikuar dhe vendosur për një ditë të caktuar të presin qytetarët dhe palët tjera të interesit si dhe Kryetari i Komunës nuk ka raportuar në Kuvend për punën e tij gjashtëmujore.

Me notë minimale në këtë periudhë, zyra e kryetarit është vlerësuar në indikatorin e publikimit të raportit të punës në ueb faqen e komunës për periudhën gjashtë mujore. Vetëm disa nga drejtorit komunale të ekzekutivit të komunës kanë të publikuara raportet e punës për periudhën janar-qershor 2017 duke bërë që puna e qeveris lokale në baza periodike të jetë fare pak transparente.



“Transparenca e Kuvendit të Komunës”. Është shtylla e tretë me nivel më të lartë të transparencës pas transparencës financiare me 23.0 pikë nga 35 sa është maksimalja e pikëve. Komuna e Prizrenit qëndron mirë në këto fusha: *“takime e seancave të hapura për publik”, “transmetimi i drejtpërdrejt i seancave të kuvendit të komunës”, “numri i mbajtjes së seancave të rregullta sipas legjisllacionit”, “publikimi i planit të punës së Kuvendit të Komunës për vitin 2017 në ueb faqen e komunës” si dhe “publikimi i planit të veprimit për transparencë”.*

Gjatë kësaj periudhe 5 nga 11 indikatorët vlerësues ka marrë nota të mira në “qasje në rendin e ditës për mbledhjet e kuvendit të

komunës”, “qasje në draftet e rregulloreve dhe planet”, “komitetet e hapura me publikun” si dhe “qasje në rregulloret komunale dhe vendimet”, “qasje në procesverbale”. Këtë vlerësim ka arritur për shkak të vonesave në publikimin e vendimeve, rregulloreve dhe procesverbaleve të mbledhjeve të kuvendit të komunës.

Kuvendi i Komunës është treguar transparent sa i përket publikimit të vendimeve të këtij institucioni mirëpo disa nga rregulloret e miratuara në këtë institucion nuk kanë qenë të publikuara në ueb faqen e komunës së Prizrenit si dhe ka pasur vonesa në publikimin e rregulloreve dhe vendimeve

Me nota minimale, Kuvendi i Komunës është vlerësuar tek indikatorin vlerësues “detajet biografike dhe email adresat e anëtarëve të kuvendit”, ku edhe gjatë kësaj periudhe nuk ka pasur azhurim të detajeve biografike për anëtarë të Kuvendit të Komunës së Prizrenit.



“Transparenca në Konsultime me Publikun”. Kjo komunë ka marrë 23.3 pikë nga 35.0 pikë të mundshme. Komuna e Prizrenit, ka mbajtur *“organizimin e dëgjimeve publike dhe dëgjimet buxhetore (1 për 25 mijë banorë), “njoftimet online dhe offline për takimet publike”, “mbajtja e takimeve të rregullta me qytetarë” si dhe “konsolidimi dhe konsultimi i bashkësive lokale” duke u vlerësuar maksimalisht në këtë periudhë.*

Komuna e Prizrenit është vlerësuar mirë në organizimin e konsultimeve publike ku gjatë kësaj periudhe ka organizuar debat me qytetarë për projekt buxhetin e Komunës së Prizrenit për vitin fiskal 2018 si dhe njoftimet online dhe offline për takimet publike përmes ueb faqës së komunës dhe mekanizmave tjerë.


Me nota minimale në këtë shtyllë janë vlerësuar 3 nga 11 indikatorët bazë, tek: *“hapja e të dhënave statistikore (open data)”, “listën e hollësishme të shërbimeve që ofron institucioni për publikun” si dhe nuk ka organizuar takime me organizatat e Shoqërisë Civile” si dhe publikimi i procesverbaleve nga organizimet e konsultimeve publike”.*

Një nga indikatorët vlerësuar në këtë shtyllë janë vlerësuar negativisht për shkak se komuna e Prizrenit nuk ka arritur të këtë një linjë telefonike pa pagesë për qytetarët e saj.





TRANSPARENCA NË SUHAREKË



Janar - Dhjetor 2017

Komuna e Suharekës del të jetë komuna e katërt më transparente në kuadër të komunave të regjionit të Prizrenit me 65.7 % të nivelit të përgjigjëm bazuar në 44 indikatorë.

▼
“Transparenca e Kuvendit të Komunës”. Komuna e Suharekës është vlerësuar me 32.0 pikë nga 35 sa edhe është maksimumi i pikëve. Në këtë shtyllë, Komuna e Suharekës qëndron mirë në “seancat e hapura për publikun”, “transmetimi i drejtpërdrejt i seancave të kuvendit”, “qasja në procesverbalet e mbledhjeve të Kuvendit”, “qasja në rregulloret dhe vendimet”, si dhe “mbajtja e seancave të rregullta sipas legjilacionit në fuqi”.

Disa nga indikatorët që janë vlerësuar relativisht mirë mbetet “qasja në drafte e rregulloreve dhe planet”, “hapja e komiteteve për publikun” si dhe “detajet biografike dhe email adresat e anëtarëve të Kuvendit”.

Kuvendi i Komunës së Suharekës edhe gjatë viti 2017 mu-
 jor ka vazhduar me mungesë të transparencës së punës së Komiteteve duke mos njoftuar me rregull për mbajtjen e mbledhjeve të këtyre mekanizmave pos të mbledhjes së Komitetit për Politik dhe Financa dhe Këshillit Komunal për Siguri në Bashkësi (KKS) si dhe njoftimi për pasqyrimin e trajtimit të çështjeve në kuadër të mbledhjeve

▼
“Transparenca e Ekzekutivit”. Nga 35 sa edhe është maksimumi i pikëve, me 18.7 pikë është vlerësuar transparenca e ekzekutivit të Komunës së Suharekës dhe nga të dhënat finale del që edhe gjatë vitit 2017, ekzekutivit i komunës qëndron me dobët në raport me transparencën e Kuvendit të Komunës.

Ekzekutivi i komunës është vlerësuar në këtë mënyrë pasi që edhe gjatë kësaj periudhe ka vazhduar me mos publikimin në ueb faqe nuk ka “raportuar Kryetari në Kuvend (2 herë në vit)”, nuk ka “publikuar Planin e punës së Kryetarit të Komunës për vitin 2016” si dhe “nuk i ka pasqyruar vendimet e Kryetarit të Komunës” gjatë kësaj periudhe. Njw sfid tjetwr qw Komuna e Suharekws nuk e ka pwrmbushur gjatw vitit 2017 mbetet azhurimi i ueb faqws nw gjuhwn tjetwr zyrtare.

Komuna e Suharekës qëndron mirë në këta indikatorë: “Zyrtarë për informim & Koordinim. për qasje në dokumente publike”, “niveli i kthimit të përgjigjeve në kërkesat për qasje në dokumente publike”, “praktikimi i një ditë të veçantë për pranimin e vizitave për qytetarë”, “konkurset për punësim dhe kriteret ne ueb-faqe”, “detajet biografike të Kryetarit/es dhe Drejtorëve (Email adresa), si dhe “Planet Zhvillimore të Komunës (PZHU) & Plani Urban i Komunës”.



|||||



“Transparenca Financiar e Komunës”. Komuna e Suharekës në transparencën financiare është vlerësuar me 20.0 pikë nga 35 të mundshmet

Komuna e Suharekës është vlerësuar me pikë maksimale në 3 nga 11 indikatorët vlerësues për këtë shtyllë dhe mbetet një shtyllat e tretë më transparente gjatë kësaj periudhe bazuar në indikatorët matës për këtë fushë.

“Ndryshimet buxhetore të miratuara në Kuvendin e Komunës”, “publikimi i raportit tre mujor financiar në uebfaqen e komunës”, “publikimi i listave të pronave dhe asetëve komunale të dhëna dhe të marra me qira”, janë indikatorët që janë vlerësuar maksimalisht gjatë kësaj periudhe.

Komuna e Suharekës dobët qëndron tek publikimi i *“borxhit publik komunal (borxh kompanive)”, “publikimi i raportit të audiatorit për vitin 2016”, “publikimin e planit të prokurimit për vitin 2017” si dhe “njoftimi për kontratë dhe dhënie të kontratës”*



Transparenca në Konsultime me Publikun”. Kjo komunë ka marrë 21.3 pikë nga 35.0 sa është maksimalja. Komuna e Suharekës në këtë gjatë vitit 2017 në vazhdimësi ka respektuar kriteret ligjore në njoftimin e publikut online dhe offline, mbajtja e takimeve të rregullta me qytetarë, organizimi i dëgjimeve publike për politikën publike dhe dëgjimet buxhetore si dhe ka ri freskuar në vazhdimësi faqen e facebook-ut.

Komuna e Suharekës ishte në nivel të njoftimit të publikut për organizimin e takimeve dhe dëgjimeve për politikën lokale. Kryetari i Komunës së Suharekës ka mbajtur takimin e rregullt me qytetarë sipas legjislacionit në fuqi.


Komuna e Suharekës në 5 nga 11 indikatorët e vlerësuar në këtë shtyllë ka marrë notë minimale duke mos arritur përmirësime të dukshme në përfshirjen e qytetarëve në vendimmarrjen lokale. Nga këto indikatorë që ka çaluar komuna e Suharekës janë: *“mbajtja e raporteve nga organizimet e konsultimeve dhe dëgjimeve për politikën publike”, “hapja e të dhënëve statistikore (open data)” si dhe “mungesa e organizimeve të takimeve nga ana e komunës me organizatat e shoqërisë civile”, “listën e ofrimit të shërbimeve dhe procedurat e marrjes së tyre nga institucioni.*

|||||



TRANSPARENCA NË

DRAGASH



Janar - Dhjetor 2017

Përkundër përmirësimit të vazhdueshëm të transparencës, Komuna e Dragashit vazhdon të jetë komuna e pestë më transparente në kuadër të komunave të regjionit të Prizrenit me 62.9 % të nivelit të përgjithshëm bazuar në 44 indikatorë.



“Transparenca e Kuvendit të Komunës”. Komuna e Dragashit është vlerësuar me 28.0 pikë nga 35.0 sa edhe është maksimumi i pikëve. Në këtë shtyllë, Komuna e Dragashit qëndron mirë vetëm në indikatorët: *“qasja në rendin e ditës”, “seancat e hapura për publikun”, “qasja në rregullore dhe vendime”, “mbajtjen e seancave të rregullta”, “transmetimin e drejtpërdrejt të seancave të kuvendit” si dhe publikimi i “planit të veprimt për transparencë”.* Në këta indikatorë vlerësues, Kuvendi i Komunës është notuar me pikët maksimale të vlerësimit.

Transparenca e Kuvendit të Komunës vazhdon të jetë e mbyllur në disa prej indikatorëve vlerësues duke mos arritur të publikojë planin e punës së Kuvendit të Komunës. Komuna e Dragashit duhet të bëjë publike planin e punës së Kuvendit të Komunës për vitin 2017 duke krijuar praktika të mira në hapjen e transparencës në punën e këtij institucioni.

Në disa prej indikatorëve vlerësues, shtylla e kuvendit të komunës ka marrë nota relativisht të mira duke arrit të jetë pjesërisht transparente në, “qasjen e publikut në draftet e

rregulloreve dhe planeve”, *“qasja në procesverbale”, “qasja në draft rregullore dhe plane” si dhe “komitetet e hapura për publikun”, “detajet biografike dhe email adresat e anëtarëve të kuvendit të komunës”.*

Kuvendi i Komunës duhet të shtojë përpjekjet në përmirësimin e këtyre indikatorëve sidomos në transparencën dhe përfshirjen e publikut në punën e komiteve dhe komisioneve të Kuvendit të Komunës. Në këtë gjashtëmuor të këtij viti, në vazhdimësi kanë munguar njoftimet e publikut për mbajtjen e mbledhjeve të komiteve të Kuvendit duke mos respektuar legjislacionin në fuqi për njoftimet përkitazi të mbledhjeve në ueb faqen e komunës.



“Transparenca e Ekzekutivit”. Nga 35 sa edhe është maksimumi i pikëve, me 15.0 pikë është vlerësuar transparenca e ekzekutivit të Komunës së Dragashit, dhe në raport me tri shtyllat tjera vazhdon të qëndroj me dobët.

Ekzekutivi i komunës, me notë maksimale është vlerësuar vetëm në dy indikatorë, *“konkurs për punësim dhe kriteret e punësimiti në ueb faqe”, “publikimi i vendimeve të kryetarit”.* Relativisht mirë kjo komunë ka qëndruar tek *“PZHK dhe planet tjera urbaneniveli”, dhe “detajet biografike të kryetarit & drejtorëve” si dhe “azhurnimi i ueb faqes së Komunës në gjuhë tjetër zyrtare”.*



Komuna e Dragashit edhe gjatë vitit 2017 ka vazhduar me hendekun rreth caktimit të Zyrtarit për Informim në këtë komunë, duke u bërë komuna e paktë që nuk ka zyrtarin e till të rekrutuar. Gjatw vitit 2017, drejtori i administratës në këtë komunë, mbetet koordinatori për kërkesat për qasje në dokumente publike që parashtrihen në këtë institucion.

Në katër nga 11 indikatorët, Komuna e Dragashit është notuar negativisht. Mungesa e publikimit të raportit të punës gjashtëmujor në ueb faqen e komunës, mungesa e publikimit të planit të punës së Kryetarit për vitin 2017 si dhe mos gatishmëria e Kryetarit në caktimin e një ditë të veçantë për pritjen e qytetarëve dhe palëve tjera të interesit si dhe raportimi i Kryetarit të Komunës në Kuvendin e Komunës mbesin indikatorët mos përmbushësh gjatë vitit 2018.



“Transparenca Financiar e Komunës”. Komuna e Dragashit në transparencën financiare është vlerësuar me 26.7 pikë nga 35 pikë të mundshme. Çka bën që kjo shtyllë të jetë më e vlerësuar për vitin 2017, krahasuar me shtyllat e transparencës së Zyres së Kryetarit. Pikët maksimale ka marr tek *“ndryshimet buxhetore të miratuara në Kuvendin Komunal”*, *“publikimi i shpenzimeve tremujore”*, *“publikimi i raportit të auditimit për vitin 2016”*, *“diskutimi në kuvend brenda afateve ligjore i raporteve tre mujore financiare”*, *“listat e pronave (zyrat, lokalet etj) në pronësi dhe të marra me qira për Komunën”*, *“publikimi i të hyrave vetanake të komunës”* si dhe *“publikimi i planit dhe buxhetit për vitin 201”*.

Komuna e Dragashit qëndron relativisht mirë tek *“publikimi i njoftimeve për kontratë dhe për dhënien e kontratës”* si dhe *“publikimi i kontratave”*.

Mirëpo edhe tek kjo shtyllë vlerësuese Komuna e Dragashit në gjithsejtë dy indikator është vlerësuar negativisht. Mungesa e publikimit të borxheve të komunës ndaj operatorëve ekonomik në baza periodike si de mos publikimi i planit të prokurimit për vitin 2017 mbesin indikatorët të vlerësuar negativisht në këtë shtyllë të transparencës komunale.



“Transparenca në Konsultime me Publikun”. Komuna e Dragashit ka marrë 18.3 pikë nga 35.0 sa është maksimalja. Krahasuar me periudhën njëjtë nga viti i kaluar, kjo komunë ka bërë përpjeke në përmirësimin e transparencës dhe përfshirjen e publikut në vendimarrjen komunale.

Mirëpo edhe në këtë periudhë gjashtëmujore në shtyllën e transparencës së konsultimeve me publikun, 3 nga 11 indikatorët janë vlerësuar me notë negative 0. Komuna e

Dragashit qëndron negativisht në *“raportin nga konsultimet me publikun”*, mungesa e një *“linje telefonike pa pagesë për qytetarët”*, si dhe *“freskimi i faqes së Facebookut”*. Edhe gjatë vitit 2017, gjatë organizimeve të takimeve dhe dëgjimeve për politikën lokale, komuna e Dragashit nuk praktikon mbajtjen e procesverbaleve dhe publikimin e tyre në ueb faqen e komunës.


Po ashtu komuna e Dragashit me nota minimale është vlerësuar tek, *“konsolidimi dhe konsultimi i bashkësive lokale”*, *“takimet me organizatat e shoqërisë civile”*, dhe *“listën e hollësishme të shërbimeve që ofron institucioni për publikun”*.

Komuna e Dragashit duhet të shtojë përpjekjet në rritjen e nivelit të pjesëmarrjes në vendimarrjen lokale duke ofruar materialet përcjellëse në konsultimet dhe dëgjimet buxhetore (KAB), duhet të konsultohet në baza periodike me përfaqësuesit e bashkësive lokale si dhe organizime me organizatat të shoqërisë civile. Po ashtu duhet të ofrojë edhe listën e ofrimit të shërbimeve nga dikasteret komunal si dhe formën, mënyrën dhe procedurat e marrjes së shërbimeve të tilla nga ana e qytetarëve.

Vetëm në 2 indikatorë kjo komunë ka marrë vlerësim të mirë ku dhe është vlerësuar me notë maksimale. Kjo komunë ka mbajtur *“takimet e rregullta me qytetarët”*, ka njoftuar publikun për *“njoftimet online dhe offline takimet publike”* si dhe ka organizuar dëgjime publike dhe dëgjime buxhetore në gjashtë mujorin e dytë të vitit 2017”.



TRANSPARENCA NË MAMUSHË



Komuna e Mamushës, vazhdon të jetë komuna me më së paku transparencë në kuadër të komunave të regjionit të Prizrenit me 27.8 % të nivelit të përgjigjëm bazuar në 44 indikatorë. Komuna e Mamushës ende vazhdon të qalojë në pothuaj se në mbi 55 % të indikatorëve të cilët përbëjnë katër shtyllat vlerësuese duke mos arritur progres në përm-bushjen e obligimeve bazë të transparencës institucionale.

▼
“Transparenca e Kuvendit të Komunës”. Gjatë kësaj periudhe Komuna e Mamushës është vlerësuar me 12.0 pikë nga 35 sa edhe është maksimumi i pikëve. Në këtë shtyllë, Komuna e Mamushës qëndron mirë vetëm në “se-ancat e hapura për publikun”, dhe “mbajtjen e seancave të rregullta” duke marrë pikët maksimale të vlerësimit.

Ndërsa tek “qasja në rendin e ditës”, “qasja në rregulloret, dhe vendimet” si dhe “detajet biografike dhe emal adresat e anëtarëve të Kuvendit të Komunës”, Komuna e Mamushës ka marrë nota minimale dhe është vlerësuar me vetëm nga një pikë, pasi që informatat në to kanë qenë tejet të mangë-ta dhe vështirë të qasshme për publikun.

Derisa, në indikatorët si “transmetimi i drejtpërdrejtë i se-ancave”, “qasja në draft rregulloret dhe planet”, “qasja në procesverbalet”, “qasja në planin e punës së Kuvendit”, dhe mungesa e “planit të veprimt për transparencë”,

kanë qenë indikatorët në të cilët komuna e Mamushës nuk ka marrë asnjë notë të mundshme.

▼
“Transparenca e Ekzekutivit”. Nga 35 sa edhe është maksimumi i pikëve, me 4.3 pikë është vlerësuar transpar-enca e ekzekutivit të Komunës së Mamushës ku në raport me transparencën e Kuvendit të Komunës qëndron shumë më dobët. Ekzekutivi i komunës së Mamushës është vlerë-suar në këtë mënyrë pasi që nuk ka publikuar “raportin gjashtë-mujor të punës”, nuk ka “raportuar Kryetari në Ku-vend (2 herë në vit)”, ai po ashtu “nuk ka praktikuar as vizita javore me qytetarë”, “në ueb-faqen e komunës nuk kanë qenë të përfshira informatat për punësim dhe kriteret tjera”, “mos publikimi i vendimeve të kryetarit të komunës”, si dhe kanë munguar “Planet Zhvillimore të Komunës (PZHK) dhe Plani Urban i Komunës”.

Mirëpo ekzekutivi komunal, pak më mirë ka qëndruar tek indikatorët si, dhe “detajet biografike të Kryetarit/es dhe Drejtorëve, ku është vlerësuar me nga dy pikë, derisa vlerë-sim minimal, kanë marrë indikatorët, si “zyrtar për informim dhe koordinator për qasje në dokumente zyrtare” dhe “për-ditësimi i ueb-faqes në gjuhët tjera zyrtare” kategori këto që kanë marrë vetëm nga një pikë.





“Transparenca Financiar e Komunës”. Pothuaj se plotësisht jo transparente, Komuna e Mamushës vazhdon të jetë tek financat komunale, me performancë tejet të dobët me vetëm 9.3 pikë nga 35 pikët e mundshme në këtë shtyllë. Asnjë dokument financiar, raport i shpenzimeve apo të tjetër financiar e buxhetor nuk është i qasshëm në këtë komunë. Po ashtu *“mos publikimi i planit të Prokurimit”, “njoftimet për kontratë dhe dhënie të kontratës”, mungesa e evidentimit të “pasurisë së komunës si lista e pronave (zyrat, lokalet, etj)”*, janë vetëm disa nga shumica e indikatorëve ku Komuna e Mamushës është vlerësuar me notë zero. Të vetmet pikë maksimale në vitin 2017 që ka marrë Komuna e Mamushës në transparencën financiare mbetet *“ndryshimi buxhetor i miratuar nga Kuvendi i Komunës” dhe “publikimi i kontratave”*.



“Transparenca në Konsultime me Publikun”. Komuna e Mamushës, sa i përket transparencës institucionale, nuk qëndron më mirë as tek konsultimet me publikun. Kjo komunë ka marrë 13.3 pikë nga 35.0 sa është maksimalja. Gjatë kësaj periudhe Komuna e Mamushës ka qëndruar mirë dhe është vlerësuar me notë maksimale në vetëm një indikatorë, në *“takimet e rregullta me qytetarë”* si dhe *“organizimin e dëgjimit buxhetor për projekt buxhetin e vitit 2018”* derisa më notë minimale është vlerësuar në tre indikatorë, *“njoftimi online dhe offline për takimet publike”, “takimet me organizatat e shoqërisë civile”, si dhe “freskimi i faqes së Facebookut”*.

Mirëpo, sipas të dhënave të verifikuara, Komuna e Mamushës në këtë periudhë, me nota negative është vlerësuar në më shumë se gjysmën e indikatorëve që e përbëjnë këtë shtyllë; si mungesa e raporteve nga konsultimet me publikun dhe dëgjimet për buxhet, materiali përcjellës qytetarëve për dëgjimet publike dhe buxhetore, mungesa e një linje telefonike pa pagesë për qytetarë, mos hapja e të dhënave statistikore OPEN-DATA, etj





KOMUNA E SUHAREKËS

- **Raportoj aktivitetin gjashtë-mujor:** Zyra e Kryetarit duhet të raportoj para Kuvendit të Komunës raportin e punës në baza gjashtë mujore.
- **Zyra e Kryetarit** po ashtu duhet që ta bëjë publikimin në ueb-faqe të komuës, planin e punës dhe vendimeve të Kryetarit. Kryetari i Komunës duhet të angazhohet në respektimin e publikimit të dokumenteve në gjuhën tjetër zyrtare.
- **Transparenca Financiare** – Zyra e Kryetarit duhet të publikojë në ueb-faqe Borxhin Publik Komunal dhe publikimin e raportit të auditorit të përgjithshëm
- **Të publikohen** njoftimet për kontratë dhe për dhënie e kontratës në aktivitetet e prokurimit.
- **Linjë Telefonike direkte gratis:** Zyra e Kryetarit të ketë një linjë telefonike direkte tek zyra për informim, mundësisht gratis për qytetarët, që të mund të bëjnë kërkesat e tyre lehtë
- **Komuna e Suharekës** duhet të publikojë në ueb-faqën e sajë listën e shërbimeve që ofrohen për qytetarët nga dikasteret e ndryshme.

KOMUNA E DRAGASHIT

- **Qasja në procesverbale.** Transparenca e punës së Kuvendit të Komunës duhet të rritet përmes publikimit të procesverbaleve të mbledhjeve të Kuvendit.
- **Kuvendi i Komunës** duhet që të publikojë në ueb-faqe edhe planin vjetor të punës.
- **Regrutimi i Zyrtarit** për Informim: Kryetari i Komunës së Dragashit duhet të fillojë procedurat e regrutimit të Zyrtarit për Informim, me qëllim të plotësimit të kësaj pozite
- **Publikimi i aktivitetit gjashtë-mujor:** Zyra e Kryetarit duhet të publikojë raportet gjashtë-mujor të punës së kryetarit në ueb-faqe, palanin vjetor të punës si dhe Kryetari duhet të raportojë para anëtarëve të Kuvendit.
- **Transparenca financiare:** Transparenca financiare duhet të rritet ndejshëm pasi që Zyra e Kryetarit duhet ta publikojë në ueb-faqe borxhin publik komunal dhe planin e prokurimit.
- **Transparenca në Konsultime me Publikun:** Komuna e Dragashit në vazhdimësi duhet të paraqesë raport nga konsultimet me publikun dhe dëgjimet buxhetore dhe të njejtin ta publikojë në ueb-faqën zyrtare të komunës.
- **Linjë Telefonike direkte gratis:** Zyra e Kryetarit të ketë një linjë telefonike direkte tek zyra për informim, mundësisht gratis për qytetarët, që të mund të paraqesin kërkesat e tyre.
- **Komuna,** duhet të marrë masa për hapjen e një llogarie të ueb faqes së komunës në rrjetin social të Facebook-ut.



ANEKS 3: TRANSPAROMETRI KOMUNAL (2)

MËNYRA E MATJES	TRANSPARENCA FINANCIARE	PRIZREN	SUHAREKË	RAHOVEC	MALISHEVË	DRAGASH	MAMUSHË
Fizikisht/KërkesëZyrt.	Ndryshimet buxhetore të miratuara nga Kuvendi i Komunës	3	3	3	3	3	3
Ueb-Faqe	Borxhi publik komunal (borxh i kompanive)	1	0	2	0	0	0
Ueb-Faqe	Raporti i shpenzimeve tremujore	2	3	3	3	3	0
Ueb-Faqe	Raporti i Auditimit	3	0	3	3	3	0
Fizikisht	Diskutimet brenda afateve ligjore të shpenzimeve tre-mujore në Kuvend	2	2	2	2	3	2
KërkesëZyrt/Ueb-Faqe	Lista e pronave (zyrat, lokalet, etj) të marra me qira për komunën	3	3	3	3	3	0
Ueb-Faqe	Të hyrat vetanake të Komunës	3	2	3	3	2	0
Ueb-Faqe	Plani buxheti dhe kohëzgjatja e projekteve kapitale	3	2	3	2	3	0
Ueb-Faqe	Plani i Prokurimit	1	0	3	3	0	0
Ueb-Faqe.	Njoftimet për Kontrat dhe dhënie të Kontrates	1	0	1	2	2	0
KKërkesëZyrt	Publikimi i Kontratave	3	2	3	3	2	3

MËNYRA E MATJES	TRANSPARENCA NË KONSULTIME ME PUBLIKUN	PRIZREN	SUHAREKË	RAHOVEC	MALISHEVË	DRAGASH	MAMUSHË
Fizikisht/ Ueb-Faqe	Njoftimi on&offline forma tradicionale, gazeta, shpallje) për takime publike	3	3	3	3	3	1
KërkesëZyrt/Ueb-Faqe	Raport nga Konsultimet me publikun dhe dëgjimet për buxhet (KAB)	1	1	2	2	0	0
Fizikisht/Ueb-Faqe	Takimet publike të rregullta me qytetar (fshatra apo komunë)	3	3	3	3	3	3
Fizikisht/Ueb-Faqe	Organizimi i dëgjimeve publike dhe dëgjimet buxhetore (1 për 25,000 banorë -KAB)	3	3	3	3	3	3
Fizikisht/Ueb-Faqe	Material përcjellës qytetarëve për dëgjimet publike dhe buxhetore (KAB)	2	1	2	3	2	1
Fizikisht	Konsolidimi dh ekonsultimi i Bashkësive Lokale	3	2	3	2	1	0
Fizikisht	Linjë direkte pa pages për qytetarët	0	0	0	0	0	0
Ueb-Faqe	Hapja e të dhënave statestikore OPEN DATA	2	1	2	2	2	0
Fizikisht	Takimet me organizata të shoqërisë civile	1	1	2	2	1	1
Ueb-Faqe	Listën e hollësishme të shërbimeve që i ofron institucioni për publikun	1	1	1	1	1	0
Ueb-Faqe	Rifreskimi i Faqës së Ebookut	2	3	0	3	0	1

Katalogimi në botim – (CIP)
Biblioteka Kombëtare e Kosovës "Pjetër Bogdani"

352(496.51)"2017"

Transparometri komunal : Prizren, Suharekë, Rahovec,
Malishevë, Dragash, Mamushë : janar – dhjetor 2017 / përgatitur
nga Naim Cahanaj. – Prishtinë : Instituti Demokratik i Kosovës,
2018. – 85 f. : ilustr. ; 28 cm.

1.Cahanaj, Naim

ISBN 978-9951-745-08-6

KDI është Organizatë Joqeveritare (OJQ) e angazhuar të mbështesë zhvillimin e demokracisë përmes përfshirjes së qytetarëve në bërjen e politikave publike dhe fuqizimin e sektorit të shoqërisë civile me synimin për të ndikuar në rritjen e transparencës dhe llogaridhënies nga ana e institucioneve publike.

Për më shumë informata rreth KDI ju lutem vizitoni www.kdi-kosova.org

Me përkrahjen financiare të:



This publication is part of the project **Civic Involvement for Transparency and Accountability**, implemented by **Kosova Democratic Institute**, financed by Olof Palme International Center supported by Swedish Government. Content of this publication reflects author's opinions and not necessarily Olof Palme International Center opinions.

